

重修恩縣志序

恩志始成於前明萬厯己亥續修於

國

朝雍正癸卯迄今二百有餘歲矣雖疆域依舊田賦

猶前而河渠之疏塞學校之隆替人材之消長風俗之

治漓莫不與政治息々相通而乃聽其湮沒年深代遠

文獻無徵使後之來者有所興廢無可考數五非守土

者之責歟鴻孫先緒戊申春二月末宰邑毛披讀舊

志十九缺殘不惟志所載者缺畧弗傳即志所已載者

恩縣志序

且將歸於漸滅竊念前之官斯土者豈少鴻儒碩秀而

卒以闕焉弗修者固因盡心民事刻無暇晷殆亦以纂

訂者未得其人耳鴻孫嘗欲從事於斯乃又事後清釐

訟獄擴充學塾又正值領行憲政創辦選舉以及調查

統計新政迭為半載後始克大端就理因查前年奉

學部通飭編輯鄉土志以為小學堂課本舊令尹未

及舉辦先後如事乃進邑士紳而商榷之適山東通志局

採訪員在平劉漢章先生儒臣採訪至恩先生學識淵

雅醫理精通因以鄉土志請任編輯未兩月而書成

先邑鴻孫五月間在縣城創設醫學堂一區至是聘

先生為醫學監督歡言朝夕緒論時聞於是復請

於先生曰君擅著作才鄉土志既承編輯成書矣恩

志失修二百餘年竊不自揣欲續而成之然故老無存

佚聞散失即網羅搜輯而纂修刪訂匪易人任也君

三長畢萃其幸勿辭先生謙讓未遑三請然後許之

爰就醫學堂附設志書局不尚鋪張事從儉約祇選

恩縣志

序

二

俊秀七八人分路採訪以城局為歸宿又以二三同輩住

局傳抄先生手訂凡例扶者增之繁者刪之誤者正之

疑者辨之無不一釐正至於撰述去取考定筆削皆

先生一人任之復以官季平廣文均圻王子升廣文金階王

香谷少尉桂茶入局襄校凡五閱月而稿告成以百五十

日之精神補二百餘年之闕漏舉凡田賦學校山川道里

官蹟鄉賢忠烈孝義以及兵事灾祥下及方外伎術分

門別類搜訪無遺鴻孫復為校正付之梓人自愧無尺寸

勞而得樂觀厥成實劉君獨任其難與官王諸君贊助之力也因述其顛末以為之序

宣統己酉清和月知恩縣事盱眙汪鴻孫書於拜石軒

恩縣志

序

三

恩縣舊志原序

孫侯爲恩志成以觀于子于子曰懿哉煌煌乎鴻掣也哉政之所繇隆可以徵乎夫志者古小史之遺也掌之司徒謂之訓方掌之司空謂之士訓載在國邑則謂之志皆小史也史而曰志者何宣哲之君明惠之長以此稽其政教而成其心之經緯故謂之志爾是故君子有經國之猷必有仁民之政育仁民之政必有永世之圖於是軌物可陳方策可布而使其心常周浹焉故曰志也侯以宏殖瓊材射策高第製錦

恩縣志

卷首

原序

一

名城七閩星紀日討邑之訓典而布之治象以爲民極使毋愆忘日撫邑之萌庶察其有流亡顛越者而阜且綏之使毋失業日循邑之土壤墳衍原隰之有不墾者而賦之牛耒使毋遺利日祭邑之亭臺郵傳學宮墉雉之有圯且廢者而以時繕脩使毋隳功益六七歲月廢舉墜興奸剔蠹洗煥然稱大備焉斯其政之成也然後蒐之故實詢之父老輩之官師命之生儒而親筆削之以立一邑之史舉其所蚤夜圖維以有成績者遺之來哲而擬議其所未爲以待時與

勢之便俾有考焉三覆是籍侯之心思經緯所周浹於政教者千萬禩不沫可矣故曰志也今有治生長年蚤作夜息頻印贏縮與時轉徙智盡能索以掇千金天產則必舉其室廬溝塍之數穀租絲枲孳息之品服食器用僮指貨賄之要與夫鉤會出納之宜籍而志之以示其後使世守焉而後其心思經緯有所裕而不窮斯侯之志也與嗟夫吾嘗結竊上都憑軾北土歷清河之墟遵平原之壘訪貝邱之故境稽究部之舊疆而知是邑也齊趙之間一阨塞也夫其地

恩縣志

卷首 原序

二

錯兩郡道直二京鉦鐃輦鼓之聲耳之如沸冠蓋輪蹄之塵望之如織長吏佐史敬率候人以通賓旅當官常之十五猶不給焉今按籍而數之物力之盈縮於他邑何若戶口之登耗於他邑何若而以供億王人稱東道主靡所息肩侯其如何忍而弗圖也觀風問俗之使得是籍而存之其有所穆然而深思焉斯又侯之志也與繁大東小東杼柚其空魯衛青齊謠歌盈耳匪獨恩也侯今召列待從出入禁闔將采地惠民隱以開四聰豈以東人爲遠而遺之乎故願徵

福於恩而冀侯之周其澤於我東土則亦以是籍徵焉

萬曆己亥孟春東阿于慎行序

纂脩恩縣知縣孫居相縣丞甘宗孟主簿董士魁督刊典史房廷璫教諭弭子奇孫如墳校正邢一鵬邑人虞城縣知縣鄒之魏參閱淇縣知縣趙曉景州學生徐應兌採訪邑增生邢維垣編輯邑庠生雷金聲同校邑庠生申教典柳爾壽

恩縣志

卷首 原序

三

恩縣續志原序

周禮有邦國及四方之志春官小史外史分掌之蓋欲周知天下九州之故因其宜而布之政教此王者體國經野之所爲作也秦置郡縣其官遂廢書亦不可復識班固作前漢書易馬遷之八書爲十志其中溝洫地理諸志殆其遺意然亦略矣蓋固所職史也史所志者皆一代之大經大法視一郡一邑細若米鹽其不及詳也固宜厥後乃有郡縣諸志非正史也故得並詳其細者其斯爲外史小史之義與顧其爲

恩縣志

卷首 原序

四

書匪直志地亦兼志人志事其太凡也地不變者也若人與事其屢變者也至於歷時既久而變者愈多續而增之其可已乎唐宋以來代有圖經元和郡國志太平寰宇記同實而異名者也然亦多所增訂非特時異亦地異也至區天下爲十三道各置中書行省制自元始有明郡縣多沿其舊

國朝亦多沿明舊地不異也而人事之積日益多矣故一統志之作自元始之而纂修之役累朝不廢凡以此也雖小而一邑何獨不然與恩爲縣自洪武十季

徙治今地舊志修于萬曆二十四年己亥沁水孫公居相手距今百二十餘年未有繼而修之者豈以恩地平曠無名山勝地及古名賢遺跡可爲觀遊供憑弔者與抑地當孔道高車駟馬過是都者絡繹相望郊勞候迎日不遑息也余以康熙己亥承乏茲土亟有志於是焉匆卒未能也今且四季於茲矣向所不便于民者去之畧盡事苟有裨於茲土雖久經廢墜亦已漸次脩舉間與諸生講學課文之暇俾其徧爲蒐采復爲定其凡例授之簡焉屬以編次顧謂建置

恩縣志

卷首 原序

五

之沿革疆域星土之部分城郭都鄙山川原隰之形勢百穀草木禽魚畜牧生殖之貨利前志脩矣無庸復贅惟自萬曆己亥以後其田土之蕪治賦役之繁簡生齒之蕃息今與昔殊者俾各爲一書又凡吏之宦於茲土者士之賓於王家者鄉先生之文章德業歿而可祀于社者孝子貞婦之潛德幽光當表章之以示激勸者俾各爲一書其餘事無巨細凡前志所未有者並各爲一書編旣成復手自刪潤訂正之命之曰恩縣續志以授梓人俾後之君子於此百二十

餘年來民生之利病吏治之得失人材風俗之盛衰皆有所據而考焉用以周知其故而得所以更化善治之方其於王者體國經野之政亦庶乎有小補云是爲序

雍正元年且月下浣知恩縣事隴岡陳學海序

裁定恩縣知縣陳學海校正教諭郭雲渭訓導徐禧永參閱內閣中書臨川李茹旻採訪邑舉人高峰松杜文明附生劉更年增生宋之枋王式編輯歲貢生韓天篤附生劉士發朱世馨王慶會雷鏐

恩縣志

卷首 原序

六

孫宋樂天

重修恩縣志職名

纂修

花翎運同銜知府用卽補州署恩縣知縣汪鴻孫

安徽盱眙縣人

分纂

恩縣教諭官均圻

平度州人

協修

署恩縣縣丞盛心培

浙江仁和县人

藍翎五品銜實授恩縣典史周懷恩

河南祥符縣人

編輯

恩縣志

卷首 職名

一

分省試用縣丞劉儒臣

荏平縣人

候選教諭王金階

邑人

校正

候選典史王桂芬

直隸寶坻縣人

採訪

候選訓導陳廷果

歲貢雷飛鵬

歲貢郭射斗

增生楊青雲

廩

生馬濟鎬

廩

生傅鶴泉

附

生侯夢錫

廩

生姚國華

恩縣志

卷首

職名

二

重修恩縣志凡例

一舊志修於雍正癸卯迄今一百八十餘載脫畧漫漶幾不可識恐文獻就湮謀士夫而續纂之正其譌舛增其闕畧變其門類別其體裁開五月而書成雖不敢自信爲完善而言必有所據事必求其詳續貂之誚庶幾免焉

一舊志祇有疆域城垣兩圖且質之本境多有不合今詳爲補繪兩圖之外又增十四圖仍依舊志列於卷首

恩縣志

卷首

凡例

三

一舊志天文散見各處今特立專門俾閱者易於稽考

一沿革所關最鉅今仍從舊志有疑義者皆明於下以次排列不用世表年表月表也

一道路關乎行旅舊志無之似不可闕今按圖正四隅詳其里數

一鄉圖市鎮變易靡常今以現在者爲憑故某莊隸某圖多與舊志不合

一舊志以兵防郵政隸建置倉庫隸貢賦兵變隸

雜志而無食貨武備兩門今稍爲變易倉庫所以積貯歸於營建郵政所以贍貧歸於食貨兵防兵變同入武備之中從其類也

一舊志學校祇載創建而祀典獨闕今謹遵

欽頒禮部則例並取現行儀注參之而以祭器樂器附焉其學額學田亦附於後

一田賦戶口悉照賦役全書及現行條例編次而以衛地附於后

一學堂巡警爲舊志所無茲不另立門類併學堂

恩縣志

卷首 凡例

四

於學校之中附巡警於兵防之內文事武功並行不悖焉

一舊志職官隸於人物祇載縣令以下而太守刺史俱不之書從縣志之體例也特是前代官師

治法多有可述不錄其實何以徵信歌頌在人而政蹟莫考似未可聽其闕畧也今另爲一門

悉採錄之

一舊志選舉始於前明祇載科目今則首薦辟次科目次雜職武科另爲一類武職附焉並錄恩

貽於其後蓋貴郎不乏名人封蔭本屬特典故備書之

一舊志鄉賢寥寥無幾且人各有志事異跡殊合而一之似覺太混今分其條目曰宦業曰儒林曰文苑曰忠節曰孝友曰義行曰隱逸曰貞烈曰流寓曰方技曰仙釋曰壽民曰五世同堂惟年遠姓氏多佚雖徧爲蒐羅難免罣漏

一貞烈關乎名節舊志所載仍備錄之其已荷恩綸者雖生存必錄未經奉

恩縣志

卷首 凡例

五

旨旌揚有待者雖年例相符不敢擅入遵遺志例也

一藝文一門舊志名爲詞翰似與史家體例不合昔孟堅作藝文志專載書籍卷數至於詩賦亦祇載入本傳不入藝文今稍變成例廬陳書目並列詩文書目正例也以爲徵求遺書之藉詩文變例也以見一方人文之萃惟篇幅太隘不能廣收特錄其有關民社者至於閒詠贈答間偶及之亦詩以人重之意非有軒輊於其間也閱者諒之

一志乘向有雜志一門凡事之無類可歸者入之
 今依舊例異聞在前災祥次之補遺又次之名
 爲雜記而不曰雜志者恐與諸志相牽混也
 一是書之成較舊志而加倍焉時促勢迫雖殫力
 蒐羅難免舛錯糾謬訂訛尙俟君子

恩縣志

卷首

凡例

六

重修恩縣志目錄

卷一

天文志

星野 星變

卷二

輿地志

沿革 疆域 道路 山川 形勝 風俗

古蹟 邱墓 市鎮 鄉圖

卷三

恩縣志

卷首

目錄

七

營建志

城池 祠祀 公署 學校 學堂附 倉庫

驛傳 亭舖 橋梁 寺觀 坊表

卷四

食貨志

田賦 衛地附 戶口 郵政 物產

卷五

武備志

民壯 城守營 巡警 兵事

卷六

職官志

封爵 職官 名宦

卷七

選舉志

薦辟 科目進士貢生 舉人 雜職 武科武職附

恩賜

卷八

人物志

恩縣志

卷首 目錄

人

宦業 儒林 文苑 忠節 孝友 義行

隱逸 貞烈 流寓 方技 仙釋 壽民五世

同堂附

卷九

藝文志

書籍 奏議 表記 傳序 詩賦

歌

卷十

雜記

異聞 災祥 補遺

恩縣志

卷首 目錄


九



重修恩縣志卷首



圖

周禮大司徒掌天下土地之圖周知九州之地域
廣輪之數漢蕭何收秦圖籍知天下阨塞廣遠至
於後漢有司空郡國輿地圖圖之有也由來久矣
舊志止有疆域城垣兩圖而其他闕如茲特增而
補之於星野疆域城垣文廟官署河道之外並繪
景蹟於其後俾考古者開卷瞭然是亦治邦國圖
籍之遺意也

恩縣志 卷首 圖









通衢鏡閣



貝野長堤



雁落沙平



古渡烟




西山晚眺



漳南夜月



虹橋潭影



槐蔭清風

